



Il cristianissem sederasa

<p>La libertad da cardientscha egl Imperi roman</p>	<p>Igl onn 313 ha igl imperatur roman Constantin il Grond schau proclamar: „ Egl imperi roman astga da cheu naven mintgin eleger quella religiun ch’el considerescha sco la vera!“ Quella novitad digl imperatur ei sederasada sco il vent. A Ruma era il diember da cristians gia da quei temps gronds. Era els uffecis ed ell’armada deva ei gia cristians. Tuttina ei ussa semidau dabia per ils cristians ed els vegnevan buca disavantagiai pervia da lur cardientscha. Els stuevan era buca pli haver tema da persecuziuns. Schizun igl imperatur roman Constantin ha seschau battegiar. Il pèsch ei staus il segn d’identificaziun dils emprems cristians.</p>	
<p>Ils purtaders dalla cardientscha derasavan lur cardientscha cristiana. Els marcaus ed els vitgs pli gronds ein communitads cristianas seformadas beinprest. Lur baselgias construevan ils cristians egl intern da castials romans ni en loghens d’anteriurs tempels paganils. Ord las ruinas ei aschia naschiu nova veta. Silla vischala e sin craps fossa scalpravan ils cristians la crusch sco segn da lur cardientscha.</p>	<p>Communitads cristianas</p>	
<p>La Rezia el temps medieval tumpriv</p>	<p>Tochen l’entschatta dil 5avel tschentaner era Cuera la capitala dalla provinzia romana Raetia prima. Silsuenter ei igl imperi roman ius en decadenza. Pievels germans dil nord ein s’avanzi viers il sid. Els enconuschevan aunc buca la religiun cristiana. La Helvezia era populada dils Alemans, en Rezia eran els denton aunc buca domiciliai. La Rezia ei vegnida sut l’influenza dils Frans.</p>	
<p>Scartiras digl onn 451 documenteschan Cuera sco sedia episcopala. Digl uestgiu da Cuera anora, sco center dalla nova cardientscha, ei vegniu erigiu las empremas baselgias en differentas valladas. Anfladas archeologicas cumprovan quei els suandonts loghens: Sagogn, Trun e Mustér, Panaduz e Reziaulta sur Tusaun, Ziraun, Mesauc, Casti, Lantsch, Riom ed era Aschera/Schiers.</p>	<p>Igl uestgiu da Cuera</p>	

1. *Legia ils texts! Scriva ils plaids e las expressiuns che ti capeschas buca sin in fegl cun il tetel „Plaids ed expressiuns nunenconuschentas“.*
2. *Sclarescha las expressiuns nunenconuschentas cun agid d’ina conscolara/d’in conscolar, d’in lexicon ni da tia scolasta/tiu scolast. Scriva las explicaziuns davos las expressiuns nunenconuschentas! Quei fegl cuntinueschas ti era per ils capetels da historia che suondan.*



4. Noda, suenter la controlla dalla scolasta/dil scolast, il pli impurtont cun in marcader glischont ni cun ina colur!
5. Concepescha in feagl cul tetel „Cristianisaziun“!
 Taglia ora ils maletgs ni fai agens dessegns! Scriva tier mintga maletg silmeins in' informaziun impurtonta che ti anflas els texts cheusura! Mo scriva ellas cun tes agens plaids! Elegia ina fuorma adattada pil feagl!



Entgins exempels da presentaziun



Igl uestg



Sogn Glieci/Leci



Sogn Gagl



Sogn Bistgaun